

## Mensahe 3

### Nitabok sa Suba sa Jordan ug Giandam alang sa Gubat

Basahong Kasulatan: Jos. 3:1—4:24; 5:1-10

#### I. Rekord ang Josue 3:1—4:24 sa pagtabok sa katawhan sa Israel sa Suba sa Jordan:

- A. Sa pagkakita sa katawhan sa Israel sa Arka sa Pakigsaad sa ilang Dios ug sa Levitikanhong mga sacerdote nga nagyayong sa Arka, namahawa sila sa ilang dapit ug nisunod niini—Jos. 3:3, 6:
  - 1. Hulagway ang Arka ni Cristo nga pagkalawas sa Tulo-usang Dios—Exo. 25:10-22.
  - 2. Sa niuban sa mga anak sa Israel ang Arka sa Dios, niuban nila ang Tulo-usang Dios, nanguna ug sa ingon niana maoy unang nitunob sa tubig—Jos. 3:8, 11.
  - 3. Nagpakita ang pagpas-an sa mga sacerdote sa Arka nga, sa hulagway, nausa sa Tulo-usang Dios ang mga sacerdoteng nagpas-an sa Arka—v. 3:
    - a. Usa ka hiniusang persona sila ug ang Dios—hiniusang Dios-tawo.
    - b. Nilakaw ang Dios sa ilang paglakaw, ug nilakaw sila sa paglakaw sa Dios.
- B. Naghulagway sa kamatayon ug pagkabanhaw ni Cristo ang Suba sa Jordan—Buh. 2:23-24; 3:15:
  - 1. Nitabok sa atubangan sa katawhan ngadto sa Jordan ang Arka sa pakigsaad sa Ginoo—Jos. 3:11.
  - 2. Nagpasabot sa kamatayon ug pagkabanhaw ni Cristo ang pagsulod ug pagkawas sa Arka sa Jordan—v. 15; 4:11.
- C. Ang pagtabok sa Israel sa suba sa Jordan wala maghulagway sa pisikal nga kamatayon sa mga magtutuo kondili sa pagsinati nila sa kamatayon ni Cristo, nga nagtapos ug naglubong sa daang tawo—Rom. 6:3-6; Gal. 2:20:
  - 1. Segun sa hulagway, nagpasabot ang suba sa Jordan sa kamatayon ni Cristo nga niini gibautismohan ang mga magtutuo—Rom. 6:3-4.
  - 2. Niagi ang mga anak sa Israel sa kamatayon ni Cristo aron ilubong ang daang tawo nila ug mahimong bag-ong tawo diha ni Cristo—2 Cor. 5:17:
    - a. Andam na silang mosulod sa maayong yuta, manag-iya sa yuta nga katigayonan nila, ug makig-away batok sa mga Canaanhon; apan dili sila makadaog diha sa daang tawo nila.
    - b. Sa hulagway, gilubong sila diha sa kamatayon ni Cristo ug unya gibanhaw sila diha sa pagkabanhaw ni Cristo aron mahimong bag-ong tawo diha ni Cristo nga makig-away sa espirituhanong away—Efe. 6:10-20.
    - c. Makaamgo gyod unta ta nga dili angayan makig-away sa espirituhanong away ang daang tawo nato, ang natural nga tawo nato, aron mabatonan si Cristo; diha ni Cristo dili na ta daang tawo kondili bag-ong tawo—4:22-24.
  - 3. Ang pagbautismo sa mga magtutuo ngadto sa kamatayon ni Cristo, sama sa pagtabok sa Suba sa Jordan, nagdala sa mga magtutuo ngadto sa pagkabanhaw ni Cristo—Rom. 6:3-6; Col. 2:12:
    - a. Sa aspeto sa paglubong, ang bautismo mao ang pagtapos sa atong daang tawo.
    - b. Sa aspeto sa pagkabanhaw, ang bautismo mao ang pagpagitib sa atong espiritu aron mabuhi ta diha ni Cristo pinaagi sa diosnong kinabuhi—Juan 3:6, 15; Rom. 8:10.

- c. Sa ginsakpan sa pagkabanhaw mapahimuslan nato si Cristo nga malangkobon-sa-tanan nga maayong yuta nga gigawian nato ug gipagamotan ug gitukoran man ngani nato aron matuman ang pamatigayon sa Dios—6:4; Col. 2:7.
- D. Ang pagtabok sa Israel sa Jordan ug pagsulod sa maayong yuta may kalabotan sa pagpanag-iya ug pagpahimulos sa Israel sa maayong yuta, nga naghulagway sa praktikal nga pagsinati sa mga magtutuo sa kadato sa mga panalangin diha ni Cristo segun sa gipadayag sa basahon sa Efeso—Jos. 4:1.
- E. Ang pagsulod sa Israel sa maayong yuta sa nakatabok na sila sa Jordan naghulagway sa pagsinati sa mga magtutuo sa pagbuntog ug pag-okupar sa kalangitan, nga nahimutangan ni Satanas ug sa gahom niya sa kangitngitan—Efe. 2:2; 6:12.

## **II. Napulog duha ka bato ang gikuha gikan sa Jordan ug laing napulog duha ka bato ang gipatindog diha sa Jordan—Jos. 4:3-9:**

- A. Nagtimaan sa napulog duha ka banay sa Israel ang napulog duha ka bato nga gikuha gikan sa Jordan—vv. 3-7.
- B. Nagtimaan sa pagkabanhaw gikan sa kamatayon ang pagkuha sa mga bato gikan sa mga tubig sa Jordan—v. 7:
  - 1. Ilhanan kining napulog duha ka bato, nga nagpakita nga mahimong panghimatuod sa paglabang sa tubig sa kamatayon ang “nabanhawng” bag-ong Israel—vv. 6-7, 21-24.
  - 2. Naghulagway kini sa pagsinati sa mga magtutuo sa pagkabanhaw gikan sa kamatayon uban ni Cristo—Rom. 6:3-4.
- C. Ang laing napulog duha ka bato nga gipatindog sa tungatunga sa Jordan nagtimaan sa napulog duha ka banay sa Israel sa daang kinabuhi ug daang kinaiya nila—Jos. 4:9:
  - 1. Gipatindog ni Josue kining napulog duha ka bato sa tungatunga sa Jordan nga nahimutangan sa Arka, nagtimaan nga buot ang Ginoong magpabilin ang Israel, diha sa daang kinaiya nila, ilalom sa tubig sa kamatayon sa Jordan.
  - 2. Naghulagway kini nga magpabilin gyod sa kamatayon ni Cristo ang daang tawo sa mga magtutuo—Rom. 6:6; Gal. 2:20; Fil. 3:10.
- D. Nagtimaan ang duha ka pundok nga tagnapulog duha ka bato nga gilubong na ang daang tawo nato ug buhi ang nabanhawng bag-ong tawo nato ug usang nagbuhat uban sa Tulo-usang Dios; nisibo kini sa gipadayag sa Efeso 2:1, 4-6, 15, ug 10.

## **III. Lig-ong nagtindog ang mga sacerdoteng nagyayong sa Arka sa Panghimatuod sa namala nga suba sa Jordan hangtod nakatabok sa Jordan ang tibuok nasod—Jos. 3:8, 13-15, 17; 4:10-11, 15-18:**

- A. Ang mga sacerdoteng nagyayong sa Arka maoy unang nitunob sa tubig ug ang kataposang nikawas sa tubig; nagpaabot sila sa ilalom sa suba hangtod nakatabok ang tanang katawhan sa Dios—3:17; 4:15-16.
- B. Gibutang sa Dios ang mga sacerdote sa dapit sa kamatayon aron makaabot ang mga Israelinhon sa yuta sa kinabuhi—v. 10:
  - 1. Ang ilalom sa suba mao ang posisyon sa kamatayon; dili kini hayahay o madanihon ba.
  - 2. Dakong pag-antos ang nagyayong sa Arka sa Panghimatuod sa ilalom sa suba.

3. Nangita ang Ginoo og grupo sa mga tawo nga, sama sa mga sacerdote sa Josue 3 ug 4, motunob sa tubig, sa ato pa, mounag sulod sa kamatayon—3:8, 17:
  - a. Andam sila nga maoy unang batokan sa krus, motindog sa dapit sa kamatayon aron makaplagaan sa iglesia ang dalan sa kinabuhi—2 Cor. 4:10-12.
  - b. Ibutang gyod una ta sa Dios sa dapit sa kamatayon ayha pa makadawat og kinabuhi ang uban—Juan 2:19; 12:24; 1 Cor. 15:36.
- C. Kay nangalagad mag kinabuhi si apostol Pablo sa pagkamatay niya, makapanghimatuod siya, nga niingon, “Tungod niana nagbuhat ang kamatayon dinhi namo, apan nagbuhat ang kinabuhi diha ninyo”—2 Cor. 4:12:
  1. Ang buhat sa mga apostol mao ang buhat sa kamatayon nga nagbuhat diha nila aron makabuhat ang kinabuhi diha sa mga magtutuo—vv. 10-12.
  2. Matahom ang lugwa, ang resulta, sa pagbuhat sa kamatayon sa sulod nato—kinabuhi ngadto sa uban—v. 12.
  3. Ang tinuod nga buhat sa pagpangalagad sa bag-ong pakigsaad dili man kalabot sa pagbuhat; kalabot kini sa pagkamatay—v. 1; 3:8-9; 5:18.
  4. Sa pahuli sa Ginoo kinahanglan gyod tang mamatay aron makabuhat diha sa uban ang kinabuhi; busa, ang pagkamatay nato mao ang pagbuhat nato—4:12.
  5. “Wala magkinahanglan ang Ginoo nga mobuhat ka alang Niya. Gikinahanglan Niya nga mamatay ka. Kon mamatay ka, mobuhat diha sa uban ang kinabuhi. Makapangalagad kag kinabuhi sa pagkamatay nimo. Busa, ang buhat nato mao ang pagkamatay nato”—*Life-study of 2 Corinthians*, p. 295.

**IV. Bisan nadisiplina, nabansay, ug naangayan na ang mga Israelinhon, sa nakatabok na sila sa Jordan nagkinahanglan pa silag dugang pagpangandam sa dili pa mosulong—Jos. 5:1-10:**

- A. Ang pagtabok sa suba sa Jordan alang man sa pagpakig-away batok sa pito ka banay nga naa sa Canaan—4:12-13.
- B. Sa niapil si Josue sa milagro sa pagtabok sa Jordan, gilig-on siya nga manguna sa pagpakig-away batok sa demonyohanong mga Canaanhon—3:6-7, 10, 4:14.
- C. Gisugo ni Jehova si Josue nga “sirkunsisyonan na sab sa ikaduhang higayon ang mga anak sa Israel”—5:2:
  1. Ang tuyo sa sirkunsisyon paghimo man sa piniling katawhan sa Dios nga bag-ong katawhan nga manunod sa yutang gisaad sa Dios—itandi sa Gen. 17:7-12.
  2. Ang pagsirkunsisyon sa bag-ong Israel naghulagway sa sirkunsisyon ni Cristo, pinaagi sa Iyang kamatayon, nga giaplikar nganha sa mga magtutuo sa paghukas nila sa lawas sa unod aron mapanunod nila si Cristo diha sa pagkabanhaw nga pahat nga giapod-apod sa Dios kanila—Col. 2:11-12; 1:12.
  3. Sumpay sa paglubong diha sa kamatayon ni Cristo ang espirituhanong sirkunsisyon—Rom. 6:3-4:
    - a. Sa pagtabok sa suba sa Jordan, gilubong ang daang Israel ug nilugwa ang bag-ong Israel; objectibong buhat kini nga gihimo sa Dios.
    - b. Ang pagpasirkunsisyon sa mga anak sa Israel maoy praktikal nga pag-aplikar nila sa nahimo sa Dios sa pagtabok nila sa suba sa Jordan—Jos. 5:2-9.
  4. Sa Bag-ong Tugon ang espirituhanong sirkunsisyon mao ang makanunayong pag-aplikar sa kamatayon ni Cristo nganha sa atong unod—Fil. 3:3; Col. 2:11:
    - a. Bisan sa pagkatinuod gibautismohan na ta sa kamatayon ni Cristo ug gilubong ug gibanhaw na uban Niya, praktikal pa gyod gihapon natong

iaplikar ang sirkunsisyon sa krus nganha sa atong unod pinaagi sa Espiritu matag adlaw—Rom. 8:13; Gal. 5:24.

b. Kini ang tinuod ug praktikal nga pagpabilin diha sa kamatayon ni Cristo.

D. Nagkampo ang mga anak sa Israel sa Gilgal ug naghimo sila sa Pasko didto sa kapatagan sa Jerico—Jos. 5:10:

1. Gipahigayon ang Pista sa Pasko sa paghandom sa pagtubos ni Jehova sa Israel gikan sa hukom-nga-kamatayon sa panganayng mga anak nga lalaki nila ug sa pagluwas sab ni Jehova sa Israel gikan sa Egipto ug sa pagdaugdaog ni Faraon—Exo. 12:3, 11-14; 14:13-30.
2. Nagpakita ang paghimo sa Pasko nga maingon nga giluwat ni Jehova ang Israel gikan ni Faraon ug sa Egipto, laglagon sab Niya ang mga banay sa Canaan ug luwason ang Israel gikan nila—Jos. 5:10.
3. Naghulagway ang paghimo sa Israel sa Pasko sa paghimo sa mga magtutuo sa talad sa Ginoo sa paghandom Kaniya nga ilang Manunubos ug Manluwas—Mat. 26:26-28.